
Åarjelsaemien gaajhkene læhkesne

Orre gieleprosjepte

Åarjelsaemien lea gaajh vihkeles bene ij gååvnesieh dan jeenje gaavnedimmiesijjeh åarjelsaemide gusnie maehetieh saemiestidh jallh åarjelsaemien goltelidh. Dan åvteste Gaaltije edtja orre gieleprosjeptem öörnedh, tjaktjen 2016 raajeste giesien 2017 raajan. Earnan daejnie prosjektine lea vielie jih orre gielegaavnedimmiesijjeh åarjelsaemide skaepede, bene aaj giele-, kultuvre- jih histovrijedaajrojde heesedh.

Ov-messie sijjide vuelkebe

Mijjieh edtjebe ov-messie sijjide åarjelsaepmesne vuelkedh, v.g. Mihte, Biejjie Spædtja, Klimphe. Desnie edtjebe gaavnedidh, saemiestidh, stååkedidh, histovrijem lieredh, sjiere gåetiesijjine minnedh jih kultuvre-remojhtesidie vuartasjidh.

Nieljie tjåanghkoeh

Prosjekte edtja nieljie tjåanghkoeh utnedh, göökte tjaktjese jih göökte gjjrese. Voestes tjåanghkoeh lea Skiereden 8-11 b. 2016. Dellie edtjebe Storsäterisnie, Käringsjönesne jih Mihtesne minnedh. Nieljie gieleambasadörh fierhten tjåanghkosne vierhtine gååvensieh jih edtjebe aaj jeatjebh ietnien-giele almetjidie råakedh. Gaskemsh tjåanghkoeh dle edtjebe sinsitnine soptsestidh aaj v.g. skypen tjirrh. Mijjieh tjoerebe pryövedh magkeres vuekie bööremes mijjese.

Luhkie almetjh

Daennie prosjektene dle ajve luhkie almetjh maehetieh meatan årrodh, ”voestes mij goernen gåajkoe båata” -principem nuhtjie. Datne tjoerh naan gieledaajroem utnedh v.g maadthskuvleste jallh naan jeatjah åarjelsaemiekuvsem lohki, dan åvteste ambisjone lea gaajhkh bievnesh jih tjåanghkoeh edtjeh åarjelsaemien årrodh.

Åesehts

Gaaltije prosjektebeetnegh Saemiedigkeste jih institutionen för språk och folkminnen luvhtie åadtjome soe prosjekte beapmoeh, åroehsijjie, darjomh jih aamhtesh maaksa, bene gaajhkh gieh sijhtieh meatan årrodh åadtjoeh jijtse fealadimmiem tjåanghkojde maeksedh.

Sijhth meatan årrodh jallh gyhtjelassh åtnah?

Seedth e-påastem Tone Staffansson'en gåajkoe; tone@gaaltije.se jallh ringkh 070-6063190 jis sijhth vielie bievnesh prosjekten bijre jallh prosjektese bæjhkohtidh.